

محمود شعيشع

الأغانى

# حنة منى

أشعار غنائية

طبعة أولى إبريل 2019

## بطاقة الكتاب

<b>مسابقة شاعر / أديب النيل والفرات</b> <b>الدورة الرابعة – إبريل 2019</b> <b>الكتاب الفائز بالمركز الأول</b> <b>الشعر الغنائي فرع</b>		
عنوان المؤلف	الأغاني – حنة منى	
المؤلف	محمود شعيشع	
التصنيف	أشعار غنائية	
رقم الإيداع القانوني	7887 - 2019	
رقم الإصدار الداخلي	371 الطبعة الأولى إبريل 2019	
عدد الصفحات	94 صفحة	

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

### مؤسسة النيل والفرات للطبع والنشر والتوزيع

**ثورة مصرية تشرق إبداعاً على الوطن العربي**

**رئيس مجلس الإدارة**

**ناجى عبد المنعم**



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572  
 عضو عامل باتحاد الناشرين المصريين رقم 941 لسنة 2018  
 هاتف: 01011256943 - 01116202218 - 01202541192 - فاكس: 020554372901  
 البريد الإلكتروني: [nagyegy200064@gmail.com](mailto:nagyegy200064@gmail.com)  
[alnilewaalfourat@gmail.com](mailto:alnilewaalfourat@gmail.com)  
 (المقر الرئيسي: ج.م.ع. محافظة الشرقية - الحاضر من رمضان - مجاورة 13 - أمام سنتر الـ 13 - قطاع 304)

# الإهداء

بسم الله الرحمن الرحيم

أما وقد سبق وأن أهديت إلى  
روح أمي الطاهره وإلى أبي ديوانين سابقين  
هما أولا ديوان ( سأسافر ) باللغة العربية الفصلى  
والثانى ديوان ( ورد الشفايف ) باللهجه العاميه المصريه  
فإنى أهدى ديوانى هذا بعنوان ( حَتَّه مَنى ) إلى صاحبة  
قصيده ( حَتَّه مَنى ) وهى إبنتى العزيزه خلود محمود شعيشع  
فهى كانت

أول فرحتى وأول هديه أهداها لى ربى من ذريتى  
وإلى أول حفيده لىا وهى صاحبة قصيده ( دينا ) وهى بنت  
بنتى  
تمنيا لهما رغد العيش ورضا الرحمن وألا يرينى فيهما ربى  
مايسوونى فى الدنيا وفى الآخره وأن أكون لهما الأب والجد  
الذى  
يفتخرون به بين الناس

الأب والجد | شاعر النيل والفرات |

محمود شعيشع

# قلبی حبّك یاحلوه

حَبِّتِكَ إِمْتَنَى وَازَاى  
قَلْبِى طَبْعُهُ مَا يَهْوَى  
بِحَيَاتِى غَيْرُ شُرْبِ الشَّأى  
وَالشُّعْرُ وَشُرْبِ الْقَهْوَه  
جِهَ طَيْفِكَ زَى هَمْسِ النَّأى  
وَدَخَلَ قَلْبِى عَلَى سَهْوَه  
خُلَا عَقْلَى . فِى الْبَاى بَاى  
قَلْبِى حَبِّكَ يَاحِلْوَه

لَمَّا تَمَشَى تَتِمَائِلُ  
تَعْمَلُ فِى قَلْبِى عَمَائِلُ  
حَلْوَه حَالَوَه تَسْتَاهِلُ  
إِنِّى أَمُوتُ لَوْ مَا أَدَوَقَهَا شِ

كُنْتُ غَايِبَهُ عَنِّي فِين  
مَحْتَاجِ حُضْنِكَ مِنْ سِينِينَ  
حَبِينَا وَمَتَشَوِّقِينَ  
يَا بَا عَنْهَا مَا اسْتَغْنَشَ

فَتَّحَ وَرَدَى فَيَ عُوْدُهُ  
قَايِدَ نَارٍ فَوْقَ خُدُوْدُهُ  
عَاْبِدَ عَاشِقٍ مَعْبُوْدُهُ  
مَ الْجَنَّةِ مَا تَحْرَمُنَاشَ

طِعمه وناعمه بشكل فطيع  
مش زى تقاطيعها تقاطيع  
عقلي منى خلاص بيضيع  
باتجنن لو ما اشوفهاش

ويلى دا العيون غزلان  
والنهود فرط الرمان  
حتى عودها غصن لبان  
حوش حوش يا حوَّاش

حُوشى حُوشى يا حُكومه  
ظالمه عامله مظلومه  
عامله خِطه محكومـه  
خاطفه قلبى . لسه ماجاش

فين ياناس بس الشرطه  
متورط حِتّه ورطه  
وسطها دا جابلى جلطه  
خايف ليجبلى رَعّاش

دوسى . على قلبى بكعبك  
ياللى دلالك من طبعك  
لو ماحطيتى صوابك  
فى قهوتى ماهاش ربهاش

حبّه حبّه على مهلك  
قلبى عمّال يندهلك  
لو ماكنتش أستاذك  
ضيعتلى عُمرى بلاش

ياغزاله ..... حنّى وميلى  
من نّارى آه ياويلى  
لو رمشك يناديلى  
حنّى الجنّه ماتسيغناش

دوبنى رسمة حاجبك  
ياللى الكون ماهو عاجبك  
لوشوقك ماهو غالبك  
يبقى رايح ع اللانعاش

مهما العزال قالولى  
حنّى لو طق عزولى  
لو عمرى عُقدين لولى  
فوق صدرها دا مايغلاش

## عيد الحب

دوبتيني شوق و غرام  
يا غلبي منك ياني  
إرحمى قلبي والله حرام  
نار أشواقى كاويانى  
طيفك زارنى فى الأحلام  
شقلبلى كل كيانى  
من يومها مش عارف انام  
ولا ارتاح حتى ثوانى

حبيتك غصباً عنك  
وهويتك انت كمنك  
فى جمالك مافى منك  
نجمايه منورا ليلي



فى السما لالى ... وادلعى  
جوا قلبى اتربعى  
م تحننى وبلاش توجعى  
نار فى قلبى تعاللى

وللا عشان حلوه جميله  
ورموشك سودا طويله  
سايبانى روحى قتيله  
لا تحننى ولا بتميللى

فى هواكى انا دايب دوب  
عن حُبِّك ابداً ما اتوب  
لو حُبِّك دا كله ذنوب  
مش عايزك تغفريلى

نفسى تشوفينى مرّه  
ليه حارمانى بالمرّه  
داحياتى كُلّها مرّه  
انت بس بتحليللى

دالرموش سهام سمره  
والخُدود حِتة جمره  
طالب ودك ايه يجرى  
مرّه تحنّى وتصفيلى

العُشاق اتنين اتنين  
سايبانى ورايحه لفين  
حنّى ف عيد العاشقين  
حارمانى آه ياويلى

ياللى البخل مش طبعك  
شاوريلى انتِ بصابعك  
عاوز أشرب من نبعك  
على أرضك يُرقص خيلى

قالولى فيه عيد للخب  
قُلْتِ لَهُمْ إوعدنا يارب  
وحبيبى يفتحلى القلب  
على نبضه . يعلا صهيلى

حُبَّكَ لِيَا كُلُّ الْكَوْنِ  
هَاحِبُّكَ أَنَا مَهْمَا يَكُونُ  
لِهَوَاكِي عَاشِقُ مَجْنُونِ  
حَتَّى لَوْ مَاسَمَحْتِلِي

# لَيْلَى

الله .... الله .... الله ..... الله  
دى أحلا حاجة فى الحياه  
طول عمرى كان قلبى خالى  
أصبح بيفكر فى ليلاه

أنا أول مرّه أدوق الحُب  
دى أول مرّه قلبى يطب  
وفأول مرّه اقول يارب  
تسعد حبيبى وانا ويّاه  
الله ..... الله ..... الله ..... الله  
دى أحلا حاجة فى الحياه  
طول عُمرى كان قلبى خالى  
أصبح بيفكر فى ليلاه

يا ليليَ حُبِّكَ خالاني  
أهلى حبيبتهم وجراني  
وسنيني حنَّي وزماني  
حبُّوكي معاكِ نسيت الآه  
الله ..... الله ..... الله  
دي أحلا حاجة في الحياه  
طول عُمرى كان قلبي خالي  
أصبح بيفكر في ليلاه

يا ويلي شُفت الشفايف  
مجنونه مليانه عواطف  
لو أقطف من نفسي . وخايف  
ليدوبوا في تنهيده وآه

الله ..... الله ..... الله  
دي أحلا حاجة في الحياه  
طول عُمرى كان قلبي خالي  
أصبح بيفكر في ليلاه

من أول نظره حبَّيتها  
لو شافت عيني صورتها  
تسألني فين عنوان بيتها  
مين ياخذ عُمرى بس القاه  
الله ..... الله ..... الله ..... الله  
دى أحلا حاجه فى الحياه  
طول عُمرى كان قلبى خالى  
أصبح بيفكر فى ليلاه

ياليلى مننورا ليلى  
آه منك آه اما تميلى  
أو قلبك مرّه يناديلى  
عقللى ألقاه ياليلى تاه  
الله ..... الله ..... الله ..... الله  
دى أحلا حاجه .... فى الحياه  
طول عُمرى كان قلبى خالى  
أصبح بيفكر فى ليلاه

ياليلى يسعد لياليكى  
أنا قلبى سعيد فرحان بيكى  
لما تبصِّلنى بعنيكى  
حتى سمى ياليلى أنساه

الله ..... الله ..... الله ..... الله  
دى أحلا حاجه فى الحياه  
طول عمري كان قلبى خالى  
أصبح بي فكر فى ليله

## عيونك شاغلانى

ياللى عيونك دى شاغلانى  
مين غيرك أعشقها تانى؟  
بحر عيونك بيدوڭنى  
نظرتها سكينه سارقانى

ياللى عيونك دول عسلية  
ماتخفى من الثقل شوية  
جننى عودك ياصبيه  
عاوزأخذه بين أحضانى

دمك شربات وكمان خفه  
آه ما الحسنه فوق الشفه  
لحكايتى شوفيلى صرفه  
بصراحه عيونك وحشانى



بتقولى يا أرضِ إنهدى  
ليه عندى مش راضيه تهدى  
عاشق ولهان ومابيدى  
أطفى نار فيا كاويانى

الأسماء عقلى بينساها  
إسمى يا حسناء ويّاها  
روحى جريحه وانتِ دواها  
من ساعة رمشك مـ ندانى

ورموشك ليل وضلايه  
وسهام بترشق جوّايا  
وحواجبك آه منها حكايه  
غمزتها ماهياش رحمانى

لو صوتك مرّه يندهنى  
يسحر عقلى ويتوهنى  
عقلى يقولى صاحبى الحقنى  
جنيّه ناويه على جنانى

الكروان بيغار من صوتك  
الثفاح بيغار من ثوتك  
أعصابي يتعبها سكوتك  
ليه ماتقوليلي عاشقاني

حبيتك واللى تاعبني  
مرّه عيونك تعاتبني  
شوقي هو اللى غاصبني  
أندهلك ليه مَش سامعاني

نِفسى يا حبيبتي ترقى  
نِفسى مرّه تحلّي بُقَى  
عاشق ولهان ومن حقّي  
إن الشهد يحلّي لسانى

## ليه بتخبى

عاشقه ومُش بتصارحيني؟  
بتخبى يا نور عيني  
وبعندك بتغلبيني  
لا مصدق يوم تنسيني  
لا اصدق قلبك يهجر

ليه تدارى وتخبى  
وتزيدى من نار قلبى  
حببتك يعنى ذنبي  
لما صرحت بحبى  
وباقولك انا مُش هاصبر

عايز اسمعها من قلبك  
ياما ماقلت انى بحبك  
وجمالك خدنى بربك  
ترحمى قلبى الى حبك  
ليه تفتكرينى باهزر

عانه و تقلانه علينا ؟  
قال مش بتفكرى فينا  
فين عندك هيوديننا ؟  
نار السهد بتكوينا  
ليه تقولى مش باسهر

والله عنيك فاضحك يا جميل  
صاحى تعد نجوم الليل  
تشكى فكر وحيره وويل  
شوق عنيك لعنيا دليل  
جيب م الآخر وتقصر

ليه بتقولى فرحانين  
فى بعدنا احنا ومِرتاحين  
بس نجيب الراحة منين  
قلبي وجعنى من سينين  
حنّى داخلص هـ يفرفر

يا أمّ عُيون سُوده كحيله  
نِفسى ف حُضنِك يا جميله  
جربت انا مليون حيله  
عينى تغمّض لوليله  
ويبطل عقلى يفغّر

يا الله تعالى عاوز ارتاح  
طول عُمرى ماشى سوّاح  
تُهت ف بحرك وانا ملاح  
نِفسى ألقى جزيره براح  
ويفتح وردى الأحمر

أَقْطِفْ وَاشِمْ عَبِيرُهُ  
وَطَيُورِي فَوْقَ يَطِيرُوا  
يَأْسِرْنِي وَابْقَى أَسِيرُهُ  
وَالْحُسَّادُ مِنَّا يَغِيرُوا  
يُرُونَنَا شَهِدَ مَكْرَر

## يا طير يا طير

طائرليه أنا قلبى حزين  
قول فايتنى رايح فين  
طير لحبيبتى بالجناحين  
نفسى توصِّل كلمتين

قول لها إنتِ ليه سيبتيه  
يوم وتنين ليه ونسيتيه  
بيتوه من يوم ما شغلتيه  
لو عدَّى عليه ساعتين

لو ساعتين حتَّى دا كتير  
حبيتها يا طير بضمير  
لو مأشوفها عقلى يطير  
حتَّى لو بس دقيقتين

نجمایه بحلم أطولها  
وحياتی روح حایلها  
کاتب لیها شرح تلها  
حالی زی کل العاشقین

مافیش رد منها جانی  
نفسی تقوللی عاشقانی  
شوقی لیها خلانی  
باتلفت زی المجانین

لوتيجيني وأشوفها  
أطفئ الناريين شفايفها  
بيدي الفاكهه أقطفها  
أسقيها ورد البساتين

حببيتها وآه ياويلي  
من ناري نهاري وليلي  
إمتي هي تناديلي  
دايبه فيك يانور العين



نَفْسِي النَّارِ يَوْمَ تَكْوِيهَا  
تَوَجَّعَهَا وَتَخْلَّيَهَا  
تَنْدُهُ قَلْبِي يَطْفِيهَا  
وَتَجِينِي لَوْ كُنْتُ أَنَا فِينِ

نَفْسِي الْحُبِّ لَوْ يُأْمِرُهَا  
تَفْرِدُ لِي ضَفَائِرُهَا  
عُمْرِي مَا حَبِيتْ غَيْرُهَا  
مَا كُنَّا قَبْلَهَا عَائِشِينَ

نَفْسِي تَفَكَّرَ يَوْمَ تَهْرُبُ  
مِنْ حُضْنِي دَقِيقَهُ تَتَعَبُ  
تَرْجِعُ تَانِي تَقُولُ قَرَّبُ  
عَيِّشْنِي فِي أَحْلَا سَنِينَ

## أحلى غرام

بعدالليل جآيلنا صباح  
جايب النور ويآ الأفرح  
أفرح وردى بألف جناح  
بترفرف فوق الأحباب

فرحنى والله زمانى  
و حبيبي فى أحضانى  
سايب الدُنيا وجانى  
وارتحنا من بعد عذاب

كان الهجرِ مدوِّبنا  
الأحزان واجعه قُلوْبنا  
نَلقا الشوق بيغصِبنَا  
نِتلاقى من بعد غياب

بعد حياتنا م كانت ليل  
فِكرو سَهَر وسُهد وويل  
تانى قَدنا القناديل  
والحرمان اصبح سراب

شافنى حبيبى قَرَب  
قال ماتسقينى وتشرب  
من شهدى طب ليه نَتعب  
يا حبيبى الشوق غلاب

قُلْتُ بكاسك اسقينى  
من شهدك إيه يكفينى  
قَدَّ الشوق ما كاوينى  
هاشرب من غيرأى حساب

شهد الود ما كَفَّانا  
فرجتنا مُش سايعانا  
بس اللفه شاغلانا  
أحلى غرام جاى بعد عتاب

وَقَتْنَا مَرَّ بَيْنَا بِسُرْعِهِ  
جُنْدٌ وَفِيهِ مَعْرَكُهُ وَالْعَه  
كَسَّرُوا أَسْوَارَ الْقَلْعَةِ  
رَافِضِينَ فِكْرَةَ انْصَحَابِ

حَطَّمْنَا كُلَّ الْأَسْوَارِ  
رَافِعِينَ عِلْمَ الْإِنْتِصَارِ  
وَعَبَرْنَا وَكَانَ أَقْوَى شِعَارِ  
مَاحِلًا حَيَاتِنَا عَلَى السَّحَابِ

بَخِيوْطِ السَّحَابِ نِغْزَلِ  
لِلْحُبِّ حِكَاوَى تَزْلُزَلِ  
وَالْعُزَّالِ عَايِزِينَ نِنْزَلِ  
مِنَ السَّمَاءِ لَتَحْتَ التَّرَابِ

عَايِزِينَ نَفْضَلِ فَوْقَ طَائِرِينَ  
وَالْعُزَّالِ مِثْلَ غَايِرِينَ  
بِيقْلِدُونَا وَمُشَّ عَارِفِينَ  
بِالْحُبِّ يَعْيشُوا شَبَابِ

## لغة العيون

تفهمى أیه فی لغة العیون؟  
خلیکى إنتِ فِ حالکِ  
العبى فی الشئ المضمون  
إرتاحى وریحى بالکِ  
مانتیش لیلی وانا مجنون  
علشان ادوب کدا فی جمالكِ  
دالموضوع أبسط مایکون  
مخدوع أنا فی موالکِ

من الحجر قلبکِ مصنوع  
قلبى فیه عایش مخدوع  
طایر بیه بین الضلوع  
دفا وأمان فی اللیل شموع  
کان منى عینهُ فی وصالکِ

يسقى سعادته تسقى دموع  
كان مرتاح سيبتيه موجوع  
ف برك تاه من غير قلع  
لاصال طال ولاطال رجوع  
ليه خديه فى ترالك

قلبي طير كان حلمه يطير  
فى سماكى زى العصفير  
فاكر إنّه يبقا أمير  
ليه تخليه لهواكى أسير  
يافرجه يوم ماجالك

رجعتينى جناحى كسير  
ويا هموم واجعانى كتير  
جوا قلبي جرح كبير  
بلا رحمه ف قلبك وضمير  
كان العذاب بيحلاك

أنا قدرك مُشِ قَدَرْتِيه  
أنا حُسْنِكِ وانتِ بهْتِيه  
أنا حِلْمِكِ لِيه مُشِ عِشْتِيه  
أنا عُمْرِكِ وانتِ سِرْقَتِيه  
بعد انا ماسرقنى جمالك

أنا شمعك لِيه بس طِفِيتِيه  
أنا وردكِ وانتِ قُطْفَتِيه  
أنا أَمَلِكِ وانتِ قُتْلَتِيه  
أنا مَيِّتٌ مَّا بَكِيتِي عَلَيْهِ  
ولا عِرفِ الوفا أَمَثَالِكِ

بِصْرَاحِه يابنتِ الناسِ  
نِسي قَلْبِكِ حَتَّى الإحساسِ  
ولا قَلْبِكِ عِرفِ الإخلاصِ  
داللى يحب يكون حساسِ  
وحبیبُه ع العین والراسِ  
مايشوفش ف حُبُّه مهالكِ

## جايلك يا أمى

كُل لحظه وكُل ثانيه  
انتي بخير دايمًا يا أمى  
قلبي عاملك مُظَاهِرُه  
ياشايلانى وشايله همى  
انتي ليا كُـل الدنيا  
من شريانك يجرى دمى  
على طول قلبك دا ياغاليه  
سامعُه كُـل مرّه يسمّى  
لو فى يوم تقسى عليّا  
لجل مصلحتى يا أمى

فاكره لَمّا كُنت صغير  
لَمّا كان شكلى يتغير  
وللا كان بالى يتحير  
تعرفى من غير ما اعبر  
من غير ماشكيلك . يا أمى



فاكرا لَمَّا رُحْتَ حَضَانَتِي  
بوستينى وبالحُضْنِ حَضْنَتِي  
شيلتيني وضحكتى وانتى  
فى عيونك حاطانى كُنْتِي  
فرحانه وانتى بتضمّى

كل ما اكبر حَبَّه حَبَّه  
كُنْتِي بتزدي المحبَّه  
والميزان كَفَّاتَه طَابَّه  
فوق حَقِّي تدينى حَبَّه  
من حَقِّك انتى يا أُمِّي

وكبرت ورايح مدرستى  
شاييل قلمى مع كراستى  
ياماحضنتينى كثير وبوستى  
عايزاك شاطر يائنوستى  
أقولك حاضر يا أُمِّي

بعد سنين أنا رُحْتُ الجامعه  
وانتى لا شايفه ولا سامعه  
وعيونك مـ الفرحة مدمعه  
أيامك قايداها شمعـه  
رايح جاى تدعيلى أمى

وبقيت راجل ملو هدى  
أول ماصحى أنا من نومي  
أجرى أقولك صلى قومي  
إدعي ينجيني من همومي  
دا دُعَاكى رحمه يا أمى

ياما قومي ردى عليا  
محتاجك أيامى الجايه  
عُمرك مارضيتيلى أزيه  
فى حياتى ياضى عنيا  
عشان كدا جايلك يا أمى

عارفه ليه جاى الساعادى  
جيتلك ومعايا المرّادى  
زوجتى ومعايا أولادى  
يا الله لا عبيهُم ودادى  
ربيهُم ليّا يا أمّى

جاوبينى ليه ما بتردّى  
ما فى مره كنتى تصدّى  
جايبك ميه تتوضّى  
واشكيلك همّى وأفضّى  
وانتى تواسينى يا أمّى

دا خضار الدنيا من إسمك  
كان البدر يغار من رسمك  
نفسى جسمى يلمس جسمك  
زى ما انتى برضك نفسك  
بردان لحضنك يا أمّى

ماتقولیش یابنی مُش قادره  
باترجاکی ورب القُدره  
یا اَمّا دانتی حاله نادره  
نِفسی تشیلینی یاصابره  
إرقینی وعلیّا سَمّی

وانتوا لیه ساکتین یاولادی  
رودوا علی تیتا بتنادی  
بتقول نِفسی أشوف أحفادی  
أنا مش عاوز فی الدنیادی  
حد یكون مزعل أمّی

یاولادی ماتعیطوشی  
ماشیین لیه لا ماتمشوشی  
بتبوسنی أمّی من رموشی  
وکلامی ماخلصتوشی  
ربی یراضیکی یا أمّی

ليه فاكرينها مُش سامعانا  
وللا مُش قاعده ويانا  
وللا بينا مُش فرحانه  
دى بقالها كتير تستنانا  
عُمرى ما اتأخر على أُمى

أُمى دى عايشه فى الجنه  
عايشه أحسن مانتمنى  
يكرمها ربى ذا المنّه  
وبشوقها لينا تستنى  
وبشوقى جايك يا أُمى

## حَتَّه مَنِّي

طَبَّ أَزْعَلُ وَلَلَا أَغْنِي  
دَعْرِيْسُكَ خَدَّ حَتَّه مَنِّي  
قَلْبِي مِنْ يَوْمِهَا وَآكَلْنِي  
يَابِنْتِي يَا رَبِّ تَتَهْنِي  
وَيَفْرَحُ قَلْبُكَ فِي الْحَيَاةِ

رَبِّي يَا خَالِقَ الْوُجُودِ  
إِقْبَلْ دَعْوَةَ عَبْدِكَ مُحَمَّدٍ  
وَعَرِيْسُكَ بِيكِي يَكُونُ مَسْعُودُ  
تَبْقَى سَعِيدُهُ مَعَاهُ يَا خَلُودُ  
لَا تَدْوُقِي الْمُرَّ وَأَنْتِ وَيَّاهُ

وَعَرِيْسُهَا جَانِي وَقَالَ يَا عَمَّ  
هَاتْهَا حَتَّى لَوْ فِيهِ دَمٌ  
وَتَكُونُ لِي زَوْجَةً وَأُخْتُ وَأُمُّ  
يَا أَمَوْتُ نَفْسِي بِحُبَّةِ سَمٍّ  
يَا تَحَقَّقْ حِلْمُ أَنَا بِاتْرَجَاهُ

خَالَهُ السَّيِّدُ جِهَ شَرَّفْنَا  
قَالَ يَاخُوِيَا دَا قَارِفْنَا  
رَايَحْ جَايَ بَيْنَا زَا فِفْنَا  
لَوْفَى الْعَالَمِ كُلُّهُ طُفْنَا  
زِيَّ جَمَالِهَا فَيَنْ نِلْقَاهُ

دَى كَلِمَهُ قَالَهَا خَالَهُ صَلَاحْ  
مَتَجَوَّزْ هَالَهُ عَشَانْ نَرْتَاخْ  
مَنْ زَنَّهُ كُلِّ مَسَا وَصَبَاخْ  
مَ تَخْلِينَا نَقِيمَ الْأَفْرَاخْ  
مَدَامْ بِنْتُكَ جَايَهُ عَلَى هَوَاهُ

حَتَّى أَبُويَا خَلَقَ يَاهُوَهُ  
قَالَ الْوُدُ دَا مُشْ تَسِيْبُوَهُ  
وَأَفَقْ يَا بَنِي عِ الْوَلَّى جَابُوَهُ  
دَا كَيْدُ غُلْبَانِ طَالَعَ لِأَبُوهِ  
يَجْعَلُ رَبِّي الْجَنَّةَ مَثْوَاهُ

قُلْتُ ورأيك ايه يا دكتر  
يا عمَّها وأخويا الأكبر  
قاللى سمى الله وكبّر  
جوّزهم راح ربك يجبر  
هيّ وهو الزير ويّا غطاه

أنا قلت يابت الواد حبك  
غرقان بتعلّق فى مراكبك  
مترّحيه يرتاح قلبك  
الودهايموت لو مش خطبك  
وتشيلى ذنبه يا ولداه

قالتلى بابا موافقه عليه  
واسيبه يموت نفسه ليه  
ومادام هایشيلنا جواعنيه  
راح اتجوّزه لويحصل ايه  
الشورى شورتك يا أبتاه



دعريسك مين هايكون قدّه  
نجمايه راح تعيش عنده  
وتخلفوا نونواكون جدّه  
آلاعه واشيله وابوس خدّه  
راح يكبرويكبرنا معاه

راح تكوني زوجه صالحه  
ماتكونيشي أبدا جارحه  
وحياته إملها فرحه  
هاتلاقي سينيئه خير طارحه  
مولانا يمنّ علينا عطاءه

وعلى الله كلّ الحبايب  
م الفرح يكون ليهم نايب  
يبعد عنّا المتاعب  
الله كريم وكرمه غالب  
قولومعايا يا الله

# نور تیلنا حیاتنا یادینا

آنستینا ..... شرفتینا  
نورتلنا حیاتنا دینا  
کُنتِ فِ بطنِ مامتِکِ دُرّا  
بقیتی شمعہ منورّا فینا

دشہور حملِکِ عدّوا علینا  
زی سنین لیہ غلبتینا  
بعد یاغالیہ ما دوختینا  
طلعتیلنا حبابی عنینا

آنستینا ..... شرفتینا  
نورتلنا حیاتنا دینا  
کُنتِ فِ بطنِ مامتِکِ دُرّا  
بقیتی شمعہ منورّا فینا

قولى واء واء بأعلاصوت  
الكل حواليكى بجد مبسوط  
وكمآن بنحبك والله موت  
يا أحلى فرحه تشوفها بيوت  
إنتِ قمر نور ليالينا

آنستينا ..... شرفتنا  
نورتلنا حياتنا دينا  
كُنتِ ف بطنِ مامتِك دُرّا  
بقيتى شمعهُ منورًا فينا

دينا يخربيتها حلاوتك  
ساكنه جوا القلب غلاوتك  
عاوز اكلك من كترطعامتك  
معذورمانا برضوا ابو مامتِك  
قومى يابت وردى علينا

آنستينا ..... شرفتيننا  
نوّرتلنا حياتنا دينا  
كُنْتَ ف بطنِ مامتكَ دُرّا  
بقيتي شمعهُ منوّرا فينا

قلبي جمبك أيه بيحصل له  
ياحبايب سموا كمان صلّوا  
إتلوا آيات الله ماتخلّوا  
ف بيتنا مكان لِشطان يوصلّوا  
وعين حسود ممكن تآزينا

آنستينا ..... شرفتيننا  
نوّرتلنا حياتنا دينا  
كُنْتَ ف بطنِ مامتكَ دُرّا  
بقيتي شمعهُ منوّرا فينا

إِسْمُ اللَّهِ يَا غَالِيَهُ يَحْمِيكِ  
وَمَلَايِكُهُ تَرْفُرُ فِ حَوَالِيكِ  
لِأُمِّكَ وَأَبُوكِ يَخْلِيكِ  
عِ الْأَرْضِ تَدْبِي بِرَجْلَيْكِ  
تَمْلِيْلُنَا حَيَاتُنَا حَوَالِيْنَا

أَنَسْتِيْنَا ..... شَرَفْتِيْنَا  
نَوَّرْتِلْنَا حَيَاتُنَا دِيْنَا  
كُنْتِي فِ بَطْنِ مَامَتِكَ دُرًّا  
بَقِيْتِي شَمْعُهُ مَنُورًا فِيْنَا

فِي الْغُرْبَالِ يَا اللَّهُ حُطَّوْهَا  
دَوَقُولَهَا بِالْهَوْنِ سَمِعُوْهَا  
مُشِ تَسْمَعُ أُمَّهَا وَلَا أَبُوهَا  
أَنَا يَا هَاعَكِنِ عِ الْ جَابُوهَا  
هِيَا هَدِيَّةُ رَبِّنَا لِيْنَا

آنستينا ..... شرفتينا  
نوّرتلنا حياتنا دينا  
كُنْتِي ف بطنِ مامتِكَ دُرّا  
بقيتي شمعهُ منوّرا فينا

دينا دُنيانا كـتـكـوتـه  
أنا جدوا هـاـحـكى حدوتـه  
كات مامتِكَ لِسّه ز غنطوطـه  
تَعَبْتِ قَلْبِنَا يا قـطـقـوطـه  
إيجا دورك يا الله ورينا

آنستينا ..... شرفتينا  
نوّرتلنا حياتنا دينا  
كُنْتِي ف بطنِ مامتِكَ دُرّا  
بقيتي شمعهُ منوّرا فينا

يَا دِينَا يَا بِنْتَ بِنْتِي  
يَا أَمِيرَةَ الْأُمَرَا فِي مَدِينَتِي  
مَامَتِكَ دِي لَوْلَاهَا مَا كُنْتُ  
حَبِيبُهَا بِقَلْبِكَ يَا حَبِيبَتِي  
وَأَبُوكِي لِيُمْسِكَ بَقَا فِينَا

آنَسْتِينَا ..... شَرَفْتِينَا  
نَوَّرْتَلْنَا حَيَاتِنَا دِينَا  
كُنْتُ فِي بَطْنِ مَامَتِكَ دُرًّا  
بَقِيَتِي شَمْعُهُ مَنْوَّرَا فِينَا

إِمْتِي تَجِينِي تَجْرِي عَلَيَّا  
جِدُّو عَرِيسٍ مِتَقَدَّمٍ لِيَا  
مِيَّةَ مَبْرُوكٍ يَاضِي عَنِّيَّ  
أَتَمْنَالِكَ عَيْشَهُ هَنِيَّهَ  
مَنْ قَرَفِكَ كَدَا رِيحَتِينَا

آنستينا ..... شرفتنا  
نورتلنا حياتنا دينا  
كُنْتِي ف بطنِ مامتكِ دُرًّا  
بقيتي شمعهُ منورًا فينا



## بنات حوّا

بتقولولى ..... شاعر فايق  
قلبي كمان .. بيكب عواطف  
دانا مشغول بالى مش رايق  
وعن التفكير ... عقلى واقف

مخنوق متكتف ..... متدايق  
فاتح عيني .... ماني شايف  
ماكفايه أزيّه ..... ياخلاق  
آه محشوره ... فى الشفاف

ليه الناس فى طباعها جارحه  
ليه يستكتروا .... فيّا الفرحة  
ليه كدا بس . الروح السامحه  
مالهاشى مكان .. فى دنياهم

مسكين قلبى الصافى الأخضر  
لحبايبه ..... عُمره ما يُغدر  
لمّا يحب بجد ..... يَنُور  
مش شايفين .. نورُه لِعماهم

ياقلبى ( ١٠٠ ) مرّه ... أقولك  
مافى غير الحُب ..... يزلّك  
إيه بعد جراحك ..... يفضّلك  
مُش هاينوبك ..... إلا أزاهم

دول قلوبهم ..... م الحجاره  
مشاعرهم ..... قاسيه غداره  
حلاوتهم ..... شبكه وسنّاره  
يصطادوا اللى حب هواهم

قلبى كره كل .... بنات حوّا  
ماشافشى منهم ... غير قسوه  
جنتهم دى ..... إيه راح تسوا  
لو ما قلوب طايره فى سماهم

## دموع وآهات

تلفونك ما هارد عليه  
إنّتى فاكِره قلبى إِيه  
ليه تبيعى وتِشتري فيه  
وبكلّ بساطه جرحتيه  
إلى يبيعنى راح ابيعُه

ليه فاكِرانى هاصالحك؟  
لجل دموع واسامحك  
قلبي موجوع من جرحك  
ودبل وردى فى ربيعُه

راجعه ليه تانى تبكى  
من نار الحرمان تشكى  
كُنْتِ بتسخرى وتِحكى  
دا أسير حُبِّى وصريعُه

ما تقوليش إرجع تانى  
مهما دموع تترجاني  
هاتعلم وابقى أنانى  
وهواك دا ما هاطيعة

قولى خاص أوع التلفون  
قلبي خلاص بهواك مجنون  
مُش راح اصدق مهما يكون  
قلبك مُش هانسى صنيعة

ما نقلابشى فى اللي فات  
كُلُّه جراح ودموع وآهات  
يبقا ماضى وذكريات  
مش نعمله نشره نزيعة

## إوعى تقولى بحبك

إوعى تقوللى بحبك تانى  
لأ كداب وباقولها ف وشك

وطلعت انت بتستغبانى  
ولا عمرك حببت غير نفسك

يا بن الناس إبعد وانسانى  
خليتنى كرهت أسمع إسمك

راح أقطع بإيدى أنا لسانى  
لو فكريوم بس يندهلك

ياللى هواك ع الشوك مشانى  
واللى يحبك لازم يهلك

من غيرك هافرح بزمانى  
حتى ان سُقت عليّا أهلك

دانا قلبى كان بيعصانى  
يجرى منّى عشان يقابلك

يخطف كدامن صدرى حنانى  
ويسابق الريح ويدّهك

ويقول من غيرك انا باعانى  
وكانى ماحبيت من قبلك

وانت أعمى القلب أنانى  
ماشى معايا عشان مصلحتك

ولا فكرت ف مره عشانى  
تحسّسنى إنى أمرى يهمك

ملعون الحب دا خلانى  
مستحمل من يوم م عرفتك

## يا خساره

والله طلعتى ماتستاهلش  
كنت أنا فاكِر من غيرك  
مش مُمكن لو لحظه أعيش

زى البشر طبعك غدار  
بتحببى تلعبى بالنار  
عائش مخدوع ليل ونهار  
دى حوريه وزيه مافيش  
وطلعتى ماتستاهلش

فاكِر إنك ليكى قلب  
زى الناس يعشق ويحب  
هوّا جرقاسى من الصعب  
إنّه يلين ما بتتنازليش  
وطلعتى ماتستاهلش

حَلَوهُ وَحُسْنُكَ رَبَانِي  
لَكِنْ قَلْبُكَ دَا أُنَانِي  
إِسْتَنْزَفَ حَتَّى حَنَانِي  
بَعْدَ دَا كُلِّهِ مَا تَحْسِيشُ  
وَطَلَعْتِي مَا تَسْتَاهِلِيشُ

يَبْقَا خِلَاصُ كَثَرِ خَيْرِكَ  
مُشْ يَلْزِمُ سِحْرَ عَبِيرِكَ  
يُمْكِنُ بِأَلْكِ وَضْمِيرِكَ  
يِرْتَاخُوا .. وَمَا تَشْتَكِيشُ  
وَطَلَعْتِي مَا تَسْتَاهِلِيشُ

وَبِاقُولِهَا فَكَّرِي فِيهَا  
دَقْلُوبِنَا الْخُبُّ يَحْيِيهَا  
أَمَّا الْكُورُ يَخَالِيهَا  
مَخْنُوقُهُ وَمُشْ طَائِقُهُ تَعِيشُ  
وَطَلَعْتِي مَا تَسْتَاهِلِيشُ



## ليه راجعه تانى

ما ترجع عيش تانى تزعل على  
تشكى فراقى وتهللى  
إديتك انا كل حاجة  
كان هوايا معايا تكمللى

وهوايا تبقى معايا  
ونعيش فى أحلا حكاية  
من البدايه للنّهايه  
وانت ليه كُنت بتتقللى

ليلى نهارى أغنيلك  
ونار هوايا تقيد ليلك  
وما شُفتش أنا غير ويلك  
ولا كنتيش بس بتسأللى

حُب اديتك ويّا حنان  
أناحليتك مُرالزمان  
ومعايا مَادُقْتِيش حِرمان  
وانت بنظره ليه تبخلي

ليكى كنت امشى المشوار  
واناعايم ضد التيار  
وبقولك جَوّايا نار  
عاوزك جنبى أنا تفضلى

نِفسى أشوف مرّه عنيكى  
وتطيرروحي حواليكى  
مانا كان كُلى يوم ليكى  
يبقا خلاص تتحملى

ياما أقول لوعتينى  
كان نِفسى تشوفك عينى  
حتّى النظره حرمتينى  
راحل أنا وانت إرحلى

## ماتلعيش

ما تلعبيش بيضه وحجر  
تعالى ما تعاندى القدر  
يا قمر نورفى السما  
إزاي اعيش من غير قمر

ما تلعبيش باقول كمان  
قلبي يريدك من زمان  
إداكى حُبُّه والحنان  
ما شُفْتِيهمشى مع بشر

ماتلعيش بيضه وحجر  
تعالى ماتعاندى القدر  
يا قمر نورفى السما  
إزاي اعيش من غير قمر

واش يا واش قلبى دا طيب  
داوى جراح ياما وطيب  
خلّى قلبك ليه قُرب  
عينى إرحمها م السهر

ماتلعبيش بيضه وحجر  
تعالى ماتعاندى القدر  
ياقمر نورفى السما  
إزاي اعيش من غير قمر

ماتلعبيش كدا كفايه  
مش عايش قلبى حكايه  
عامل بطوله ف روايه  
ونهاية الفلم بينكسر

ماتلعبيش بيضه وحجر  
تعالى ماتعاندى القدر  
ياقمر نورفى السما  
إزاي اعيش من غير قمر

تعالیٰ عندی ماتعانیش  
ناری قایدہ ماتنطفیش  
فی ناری ماتسیبینیش  
هوانتِ ایہ ؟ قلبک حجر؟

ماتلعبیش بیضہ وحجر  
تعالیٰ ماتعاندى القدر  
یا قمر نورفی السما  
إزای اعیش من غیر قمر

سیبک خالص من الی فات  
ننسى الأمان والآهات  
ونعیش فی أحلا الذکریات  
نرسم سوى أجمل صور

ماتلعبیش بیضہ وحجر  
تعالیٰ ما تعاندى القدر  
یا قمر نورفی السما  
إزای اعیش من غیر قمر

تعالى يا عيون بريئه  
تهربى ليه م الحقيقه ؟  
فى قلبك قايد حريقه  
بس إنت بتعاندى القدر

## هات يازمان

حُبِّكَ يابلدنا غلبنا  
ولفين نهرب من مكتوبنا  
ندحك وندارى متاعبنا  
والأحزان بتبكي قلوبنا  
وقلوبنا صبورہ وشيآله

ليه ياهموم واجعانا وجارحه  
ليه ياعيون مهمومه وسارحه  
فى بحور مالها آخر سابعه  
وحياتنا بتوحشها الفرحة  
والفرحة غيبتها قتاله

حتى العيد بيهل هلاله  
تلقى قلوبنا مش فاتحاله  
حتى زمانا تغيّر حاله  
ليه قاسى وكترت أحماله  
وبقيننا احنا ف أسوأ حاله

هَات يَازْمَان كُلِّ الَّى عَنْدَكَ  
هَات مَا هَوِيَا مَا وَجَعْنَا عِنْدَكَ  
وَلَا يَقْدِرُ حَدِّ فِينَا يِعَارِضُكَ  
وَلَا طَائِلِينَ لِأَسْمَاكَ وَلَا أَرْضُكَ  
فِي بَحُورِكَ تَايَهِين رَحَّالَهُ

وَلَا مَتَى رَاح نَفْضَلُ تَايَهِين  
طَبِّ مِين يَقُولُنَا السِّكَّة مَنِين  
مِنْ صَحْرَا يَخُونَا لِلْبَسَاتِين  
مَش لَازِم نَاكُل مِنْجَه وَتِين  
يَرْحَمُنَا حَرَّ الْقِيَّالَهُ

بِالْحُبِّ إِحْنَا زَرَعْنَا سَنِينَا  
نِدَّى وَنِدَعَى رَبِّ تَعِينَا  
مِ الْخَيْرِ مَش تَفْضَى مَوَاعِينَا  
وَبِأَوْلَادِنَا تَفْرَح عِينَا  
مَا نَكُونُ شَى عَلَى بِلَادِنَا عَوَالَهُ



ليه يابلدنا انتِ مُش راضيه  
تدبحى فينا بسكينه ماضيه  
فى طريق الأندال ليه ماضيه  
ولمصالحهم باصمه وماضيه  
واحنا بتوكلينا زباله

ولأمتى تفضلى ناسيانا  
ننده تعملى مش سامعانا  
واخده مِنَّا كمان خوانه  
وبتتحامى فى اللى أزانّا  
وأزاكى يامُ الرّجّاله

بنحبك وعشقنا رسمك  
محفور جوا قلوبنا إسمك  
جوا عروقنا بيجرى دمك  
فوق كتافنا بنشيل همك  
دانتِ الأصل وكله كماله

وانتِ العالم مخلوق ليكى  
وبيتمنى تراب اراضيكي  
لو تزعلي يجرى يراضيكي  
واللى يفكر يوم يازيكي  
موتّه يكون رحمه وعداله

## أدب الطفل

### مامتى بتصحينى

مامتى بتصحينى يوماتى  
بدرى وتجهّزلى حجاتى  
أفطروأجرى على مدرستى  
بعد ما أدّى الصبح صلاتى  
وأنا طالع دايمًا تدعيلى  
يحميك ربى ياكل حياتى

شاطر فى المدرسه يامامتى  
أقرا فى كتابى وكراستى  
بالعب فى الفُسحه على راحتى  
فى الحصه أركز فى دراستى  
ليكى تحياتى وقبلاتى

باتعلم أقرأ ازای وأكتب  
وكمأن ازای أعرف أحسب  
إنی اكون صادق مش أكذب  
وأمین وصالح مش اخرّب  
واعرف انظم كل أوقاتى

باتعلم أحب للناس الخير  
واتعامل وياً الناس بضمير  
أهتم بنفسى واساعد الغير  
أسمع وأطيع كل حد كبير  
ولا يوم أنغر بقدراتى

قالولى كمان إن اللى يغش  
هايقابل ربه بأنهى وش  
واللى يكسل واللى يطنش  
مايكون له مكان ولا تعرفهمش  
مايبنى ومايبن زمالاتى

وقالولى كمان لما تكبر  
لازم تكون شاطر وحويط  
تبقي مُهندس تبنى تعمّر  
شغلك مُش يحتاج تزبيط  
أو دكُتور للجرح يطهر  
وتعالجنا بأجر بسيط  
أو عالم فاهم بي فكر  
يخدمنا بعلم وتخطيط  
أو فلاح يزرع ويخضر  
ناكل م المزروع فى الغيط

لازم تعمل الأيادى  
تخضر صحره يعمر وادى  
لازم كئله من الساعادى  
لايقول نفسى ولا أولادى  
ونصحى فينا الوطنيه  
علشان تعلا وتعلا بلادى

## آه منُّ الفيل

آه مِنْهُ الفيلُ عالى وطويل  
وهزاره تقيل لو بالأقدام

زعلان قال ليه كان عاوز جنيه  
راح يشتري به كُله فُنْضام

تعلب مكار قام حط الفار  
قُدامه طار ورا ولقدام

الفُنْضام راح أخذه التمساح  
الفيل مارتاح جالُه أورام

كُتِرت الهموم رفع الزلوم  
مُش عارف يقوم ولا عارف ينام

والتعلب غاب فى قلب الغاب  
مُش همه عتاب ولا حتى ملام

جَاب الخرتيت عِلبة كبريت  
وَلَعَلَّه البيت لِلإنتقام

زِعلت نَمْلَه مِن دى العمله  
عَمَلت حَمْلَه فِين الاحترام

ادى العصافير مش بِدها تطير  
زَعْلَانَه كَتِير زى الحمام

بُلْبُلْنَا فصيح عمال يصيح  
صاحبه داجريح واهوجاله زكام

حتى الكروان قايم زعلان  
يُمْدُغ فى لبان ويتفّه أوام

وقع اللبان فوق التعبان  
قام راح زعلان وعمل أفلام

راح يشكى لمين للصقر شاهين  
قال يامسكين يبقا ظلام

هوا راح فين هانتف ريشتين  
واكسر بيضتين أيامه ضلام

قام ييكي وصاح النوبه سماح  
يا اهل السماح لأ بيضى حرام

وقِف الطاووس هدَى النفوس  
طلع فلوس مُش عارف كام

قام نط القرد ومد اليد  
انا باعرف اعد انا واد تمام

أخذ الفلوس كان عاوز يلوص  
أتاريه منحوس مسكه النعام

على طول مسكوه قوى كتّفوه  
راحوا وخدوه عند الدرغام

ملك الغابه والديابه  
حواليه يابا حارسين خُدام



قال ياميمون ليه بس تخون  
إنت مجنون دا اسمه كلام؟

دا للى يخوننا ما بيصونا  
مالو بينا عيش يا لآم

أما الكروان ابونص لسان  
يرمى اللبان على النيام

أما المكار هاخش النار  
ليه حظ الفار للفيل علام

ياخد أمين دخلولى الشين  
جوا العرين بس بنظام

يبقا عقابه هاتعشابه  
طلّع نابه دا كان هجام

جواب الجمير مُحامى خطير  
كان عنده ضمير رفع الإعدام

قال الحمار أنا يا حضَّار  
طَخَّيت مشوارِشِلت الأحكام

أنا والحمير تعبنا كثير  
هاتولنا شعير ناكل ياكرام

وادی القُرود قالت وعود  
منا هانعود مع أحلا طعام

رجع المكارقَدَم اعدار  
للفيل وطار جابله فَنضام

وخلص الكل اهو سامح الكل  
وكمات الكل عاش في وسلام

والنسرا هو طار فوق العمار  
حامى الديار طول الدوام

أوبريت

## لو بتحبها

بيننا نُقْعِدْ ياشِله  
ع القهوه هنا فى الضّله  
الماتش اليوم كان فُله  
عاشقين روح الفانله  
أهى دى المتشات وللامافيش

هاتلنا شاي هنا يعطيّه  
والتعميره اللي هيّا  
صدّعنا م الصُبحيّه  
كانت مباراه سحريّه  
بدنا نطّلع م النعاشيش

مَا تَعْمَلُوش بَس حَسَابِي  
مَا شَى أَنَا يَا أَحْبَابِي  
وَحَشْنِي قَلَمِي وَكِتَابِي  
اَنْتُوا كَمَا ن يَا أَصْحَابِي  
لِلدِّرَاسَةِ كَفَايَه تَطْنِيش

إِحْنَا لَعِبْنَا وَشَجَّعْنَا  
قَعَدْتْنَا مَا لَهَا مَعْنَى  
مِنْ مُدَّة مُش رَاجِعْنَا  
دِرَاسَتْنَا رَاح تَنْفَعْنَا  
الْقَاعِدَه مَا بَتَنْتِيهِش

مَا تَقُول لِنَا تَنْفَعْنَا بِأَيِّهِ  
لَوْنَجَح يَا مَحْمُود بِيهِ  
نَتَوْظَف . نَاخُذ قَدَّيْهِ!  
عَقْد حَكُومِي بِأَلْف جَنِيهِ  
مَا يَكْفُوش دُخَان وَحَشِيش

إِما يَكون عِندَكَ وَسَطُه  
أوتَدفع رَشوَه يَاسَطُه  
هاتِلاقى وَظِيفَه أَلَسَطُه  
وَيَبسطوكَ أَخرَ بَسَطُه  
لو ماتِشخلل ماتِعدِيش

لِيه تَتعاطوا المَخدِرات  
جاوبوا يابِتوَع الجامِعات  
والثانَوِيَه والدُبُلومات  
لِسَه الواحِد بِيقول هات  
يا بابا المَصرُوف ما يَكمِفِيش

أَقولكَ لِيَه نِتعاطاها  
مُرَّ العِيشَه وأَساها  
ظُروف بِلدنا وَقساها  
عَلينا عاوزين نَنساها  
عَلشان نَعرف فيها نَعيش

مَانتَ شَايف كَيْفَ الْحَالِ  
مُشْ عَايشَ فِ بِلَادِنَا يَا خَالِ  
إِلَّا صَاحِبِ الْجَاهِ وَالْمَالِ  
الدُّكْتُورِ كِدَا عَالِ الْعَالِ  
الْمَأْمُورِ مَا بَيْنَا زَيْشِ

وَاللّٰى زَيِّْ حَالَاتِنَا  
قَاعِدِينَ نِنْعٰى خَيْبَتِنَا  
لَو تِنْقَحْ وَطَنِيَّتِنَا  
بِنَشْجَعِ مُنْتَخِبَاتِنَا  
نِهْتِفِ لِلشُّرْطَةِ وَ لِلْجَيْشِ

يَعْنٰى تُقْصِدُوا إِنِ احْنَا  
كُلْ مَا هَانُمُرْ بِمِحْنَةِ  
اللى مَمْكَنِ يِفْرَحْنَا  
وَاللى هَايْدَاوِى جَرَا حْنَا  
مُخْدَرَاتِ ؟ لِأ. لِأ مَا تَجِيشِ

لا تقلل شأن التعليم  
دوره أكيد فى حياتنا عظيم  
قُدَّامه الملايين ملاليم  
ماتربطوش عُمركَ يا لنيم  
بوظيفتك يا إما مافيش

لوانت فعلاً بتحبها  
نبضك يجرى من قلبها  
وفخورانك من شعبها  
إرضى بسعدها وبغلبها  
واعمل واعرق ماتستحيش

تعمل فلاح مُتمرس  
أوفى مهنة مُتخصّص  
مُش تبقى عويل مفلس  
شُغله شريفه ياريس  
تأكل منها لقمة عيش

لازم يعنى تكون دُكتور؟  
ولّا باشا تعيش فى قصور؟  
ولّا حتى ابن المأمور؟  
علشان تبقى سعيد مستور؟  
وف مولد تعمل درويش؟

وموظف تاخذ رشوه ؟  
راجة بالك كام تسوا ؟  
ماتأخذ درس وعبره  
قبل مايحصل كبوه  
فانيا الدنيا وماتساويش

أنا بنّا باعلّى البنيان  
باخدم أهلى والأوطان  
مِهنتى على مَرالازمان  
أقدم مِهنة للأنسان  
أقدم منها ماتلاقيش



قَوَّلْتُكُمْ إِن أَنَا سَبَّأُكَ  
إِسمِعْ يَا أَلَى هُنَا وَهَنَاكَ  
مُشْ تَقْفَلْ بَيْنَنَا الشَّبَّأُكَ  
وَأَسِيْبُكَ تَغْرُقْ فِى خ...اكَ  
عَنَّى تِسْأَلْ مَا تَلَا قِنِيْشْ

أَنَا نَجَّارٌ وَدَى مِهْنَةِ نُوْحٍ  
لِمَسَةِ إِيدَى فَا أَعْلَى صُرُوْحٍ  
جَنْبَ اللُّوْحِ يَنْحُطُ اللُّوْحُ  
يَطْلُعُ زَيٌّْ مَا تَهْوَا الرُّوْحُ  
خَسْرَانٌ لَوْ مَا تَعْرِفْنِيْشْ

شَايْفُكَ مَا شَى بَتْتَمَرَّقِعْ  
لِلْمِكَانِيْكَى يَاوَدَ وَسَّعْ  
عِترَهْ وَكَسِيْبٌ وَمَجْدَعْ  
بَيْنَ النَّاسِ صِيْطَى مَلْعَعْ  
فَرَشَى حَرِيْرٌ وَمَخْدِيْتَى رِيْشْ

وَأَنَا مَبْسُوطٌ إِنْ أَنَا بَلَّاطٌ  
وَرَا رِزْقِي بَاجِرِي نَطَّاطٌ  
عَلَيْهِ اضْوَرَّ بِالْمَلْقَاطِ  
أَبْقَى غَايَةَ الْإِنْبَاطِ  
لَمَّا تَدِينِي بِقَشِيشِ

أَنَا أَحْسَنُّ لِي أَكُونُ نَقَّاشٌ  
عَنْهُ النَّاسُ مَا تَسْتَغْنِشُ  
وَلَا أَبْقَاشِي مِنَ الْأَوْبَاشِ  
الَّتِي عَاشِينَ فِيهَا بَلَاشِ  
وَأَبُو بَلَاشٍ مَا يَلْزَمُنِي

أَنَا مُشٌّ قَائِلٌ أَنَا خَبَّازٌ  
أَنَا مَعْرُوفٌ مِنْ غَيْرِ الْغَازِ  
عِيشِي لِكُلِّ النَّاسِ مِتْعَازِ  
مُشٌّ تَتَكَبَّرُ يَا أَسْتَاذِ  
قَوْلِ إِزَايَ مِنْ غَيْرِي تَعِيشِ

وسَّعَ وسَّعَ لِلْجَزَارِ  
دَى الْمَسْأَلَةِ مُشْ فِيهَا هَزَارِ  
يَجْعَلُ بَيْنِي وَبَيْنَكُمَا عَمَّارِ  
مِنْ لَحْمَتِي لَا يَحْرَمُ دَارِ  
لَوْ كَانَتْ مَا بَتَسْتَوِيشْ

أَنَا يَا أَفْنَدِي الْفَكْهَانِي  
فَكْهَتِي طَازِهِ وَعَاجِبَانِي  
لَوْنَهَا وَطَعْمَهَا رَبَانِي  
مُشْ يَحْرَمُ مِنْهَا جِرَانِي  
مِنِّي اشْتَرَى مَا تَزْعَلْنِيشْ

وَبِكُلِّ الْفَخْرِ أَنَا حَلَّاقِ  
وَمَقْصِي لَشَعْرِكَ مُشْتَاقِ  
فَتَلْتِي لِلْعَاقِقِ تَرِيَاقِ  
أَجْرِي زَهِيدٌ مَا هَوْشِ حَرَّاقِ  
بَاكُلْمِكَ مَا تَنْفَضِّلِيشْ

سَوّاقٍ لِلْبِيهِ وَالْهَانِمِ  
فِي التَّكْسِي نَائِمٍ قَائِمِ  
بَادَعِي لِلْمَوْلَى الدَّائِمِ  
أَرْجِعْ لَوْلَادِي سَالِمِ  
وَاللَّجْنَه مَاتَعَطْنِيْشْ

وَأَنَا مِهْنَتِي رَاعِي يَاخْضَارِ  
بَارَعِي غَنَمٍ وَكِمَانِ أَبْقَارِ  
مَاتَرَكْزَشِي مَعَايَا تَحْتَارِ  
لِيَا قَطِيعِي وَطْنِ وَدَارِ  
فَيْنِ مَادَارِ تَلَاقِينِي أَعِيشْ

يَعْنِي عِشَانِ كُنْتُ أَنَا زَبَّالٌ ؟  
أَيُّ كَلَامٍ عَنِّي يَتَقَالُ ؟  
أَبْقَا مَقَالَهُ لِلْأَنْدَالِ ؟  
قَرَفَكَ مَيْنِ يَشِيلُهُ يَاخَالُ ؟  
لِمِ نَفْسِكَ مَاتَقْرَفْنِيْشْ

أنا فلاح وأبويافلاح  
طول عُمرى سعيد مرتاح  
طائر من غيرأى جناح  
والأحلام قُدامى براح  
ولا عُمرى خوِّفنى شاوِيش

وأخاف أنا ليه م الشرطه  
أنا مُش فى حياتى غلطه  
ولا قضيتهاشى أونطه  
طبعى أضعف من قطه  
فى الحق وحدى أحارب جيش

باكسب لُقمتى بِدراعى  
راضى بفرحى وأوجاعى  
وضميرى أنا بأراعى  
ماطمعش ف شئ ما بتاعى  
ولاكان يوم طبعى التهيش

فَلَّاحُ حَدَادٍ عَجَلَاتِي  
وَاهِبُ لِّلصَّنْعَةِ حَيَاتِي  
بِقَضِي أَسْعَدِ أَوْقَاتِي  
وَإِخْذِ عِزَّ حَالَاتِي  
قَوْلِي لِيهِ تَرْضَى التَّهْمِيشَ

أَهْ صِنَائِعِي وَشَغَالِي فِي حَدِيدِ  
مَا تَلَكَّلِكِشِي مَعَايَا وَتَزِيدِ  
تَرْسَمِ عَلَى جِسْمِكَ يَا بَعِيدِ  
تَتَوَّعُفُ وَتَرْفَعُ عِلْمُ بِالْإِيدِ  
الْوَطَنِيَّ مَا تَنْشْرِيشَ

عَاوِزُهُ بِلَدْنَا رِجَّالَهُ  
وَالْمَرْجَلُهُ مُشَى فِي قَوَالِهِ  
يَا أَفْنَدِي أَوْ فِي عَوَالِهِ  
الْمَرْجَلُهُ إِيدِ شَغَّالَهُ  
غَيْرِكِدَا بَسْ مَا تَسْأَلْنِيشَ

وطنيتك إنك تخدم  
كُل جرانك يامعلم  
أى مجال هانقول تسلم  
وبلدنا بالخير تنعم  
بِعرقنا مُش بالتشويش

## الشاعر فى سطور



الاسم محمود محمد أحمد شعيشع

الشهره محمود شعيشع

تاريخ الميلاد ١٩٧٤ / ٢ / ٧



شاعر يكتب الشعر باللهجة العامية المصرية وباللغة العربية  
الفصحى

ريفي الميلاد والنشأه حيث ولد وترعرع في أحضان الريف  
المصري بقرية مباشر مركز الإبراهيميه بمحافظة الشرقيه  
بدأ كتابة الشعر عام ١٩٩٤ وكان عمره آنذاك عشرين عاما  
لكن لظروف إجتماعيه لم ينخرط بالوسط الادبي إلا في عام  
٢٠١٥

حيث كان عضوا مؤسسا بجمعية إبداع الثقافيه بمدينة ديرب  
نجم بالشرقيه

ثم عضوا بنادى الأدب بقصر ثقافة مدينة ديرب نجم والذي  
فاز في اول إنتخابات له في نادى الادب بعضوية مجلس إداره  
النادى

له ديوانان مطبوعان احدهما باللغة العربية الفصحى بعنوان  
( سأسافر ) والآخر باللهجة العامية المصرية بعنوان ( ورد  
الشفاف )

بالاضافه إلى هذا الديوان الفائز في مسابقة شاعر واديب  
النيل والفرات بالمركز الأول وهو ديوان غنائى بالعاميه  
بعنوان ( الأغانى )

هذا وله ثلاث دواوين تحت الطبع بالفصحى والعاميه سوف  
يتم طبعهم قريبا بإذن الله

شارك فى العديد من المؤتمرات والمهرجانات والحفلات  
الثقافية سواء داخل إطار الهيئة  
العامة لقصور الثقافة أو المؤسسات والجمعيات الأهلية  
وأهمها

١ مؤتمر إقليم شرق الدلتا لليوم الواحد الذى أقامه نادى أدب  
قصر ثقافة الحسينيه بعنوان  
(شده البلب فى أرض السنبال ) تحت رعاية وزارة الثقافة  
والهيئة العامة لقصور الثقافة

٢ مؤتمر إقليم شرق الدلتا لليوم الواحد السنوى السادس  
عشر الذى أقامه نادى أدب قصر ثقافة مدينة ديرب نجم  
بعنوان ( كونية الأدب بين تداخل الفنون والجضارات )  
تحت رعاية الهيئة العامة لقصور الثقافة وبرعاية وزارة  
الثقافة

٣ مؤتمر إقليم شرق الدلتا لليوم الواحد السنوى السابع  
عشر الذى أقامه نادى أدب قصر ثقافة مدينة ديرب نجم  
بالشرقيه تحت عنوان ( التراث بين التحقيق والإبداع )  
برعاية الهيئة العامة لقصور الثقافة

٤ : المؤتمر الأدبي للإقليم شرق الدلتا الذى أقامه نادى أدب  
قصر ثقافة فاقوس بعنوان

( قيمة الابداع فى اتلواق اللإجتماعى ) برعاية وزارة  
الثقافه والهيئه العامه لقصور الثقافه

المؤتمر الادبى لإقليم شرق الدلتا بعنوان ( إستلهام التاريخ  
فى النص الادبى ) الذى أقيم برعاية الهيئه العامه لقصور  
الثقافه بنادى أدب قصر ثقافة مدينة الزقازيق

٥ - المهرجان الاول للإبداع والفنون الذى أقامته دار النيل  
للطبوع و النشر بمكتبة مصر العامه بالزاوية الحمراء بالقاهره  
بحضور رموز من أهل الادب والفن والسياسه فى مصر  
والوطن العربى

٦ - الملتقى العربى الاول للإبداع لجمعية إبداع الثقافيه  
بحضور نخبه من الادباء والشعراء من مصر والدول العربيه  
وبرعاية رئيس مركز ومدينة ديرب نجم

٧ - مؤتمر ( العاميه بنيه مصريه ) الذى أقامته جمعية عزف  
الاقلام بمحافظة بورسعيد بحضور نخبه من الادباء  
والمتقفون ورجال السياسه وبرعاية محافظ بورسعيد

هذا بالاضافه للمشاركه فى العديد من الحفلات والفاعليات  
الثقافيه ومناقشات للعديد من دواوين لشعراء مصريين  
وغيرهم من الدول العربيه فى نوادي الأدب وفى مؤسسات و  
جمعيات اهليه بالشرقيه وبمختلف المحافظات داخل

الجمهورية وعلى رأسها حفلات وندوات مؤسسة دار النيل  
والفرات للطبع والنشر والتوزيع

وفى أقل من ثلاث سنوات هى المدة التى قضاها منخرطا  
فى عالم الأدب والادباء نال العديد من الجوائز وشهادات  
التقدير والاعتراف لدوره الفعال فى إثراء الحركة الادبيه و  
مشاركاته الفعالة فى مثل هذه الفاعليات وأهمها المركز  
الثانى لشاعر واديب النيل والفرات للدوره الثالثه لفرع  
الغنائى والمركز الثالث فى المسابقه التى تقيمها جمعية  
إبداع الثقافيه واخيرا وليس بأخر هو الفوز بالمركز الاول  
فى المسابقة الكبرى على لقب شاعر واديب النيل والفرات  
الدوره الرابعه والذى تقيمه مؤسسة دار النيل والفرات  
للطبع والنشر والتوزيع فكل الشكر لهذه المؤسسة العريقه  
وعلى رأسها رئيس مجلس الاداره الشاعر والناقد النبيل  
ناجى عبد المنعم والسيد جيهان عبد الرؤوف علوان وطاقم  
مجلس الاداره على هذا المجهود الجبار والمتفانى لخدمة  
الادب والادباء

## محتوى الكتاب

2	بطاقة الكتاب .....
3	الإهداء .....
4	قلبي حبك يا حلوه .....
8	عيد الحب .....
12	ليلي .....
16	عيونك شاغلاني .....
19	ليه بتخبى .....
23	يا طير يا طائر .....
26	أحلى غرام .....
29	لغة العيون .....
32	جايلك يا أمي .....
38	حته منى .....

42	نورتیلنا حیاتنا یا دینا .....
49	بنات حوا .....
51	دموع وآهات .....
53	إوعی تقولی بحبك .....
55	یا خساره .....
57	لیه راجعه تانی .....
59	ما تلعبیش .....
63	هات یا زمان .....
67	أدب طفل ( مامتی بتصحینی ) .....
70	آه من الفیل .....
75	لو بتحبها .....
88	الشاعر فی سطور .....
93	محتوی الكتاب .....

